



Republika e Kosovës

Komuna e Drenasit

Kuvendi i Komunës



Nr 12-060/04-19013 dt. 09.06 2020

**Mbledhja e rregullt
Kuvendi Komunal
27. 05.2020**

PROCESVERBALI

I mbledhjes se rregullt të Kuvendit Komunal të Drenasit të mbajtur më datë: **27.05.2020**

Mbledhjen e kryesoi: LABINOT HALILAJ – Kryesues

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 30 anëtarë.

Kuvendi filloi punimet më këtë :

Rend dite:

1. Procesverbali i mbledhjes së rregullt të Kuvendit Komunal Drenas të dt. **30.04.2020**.
2. Propozim Vendim për shpalljen e interesit të përgjithshëm publik të ngastrave kadastrave, në të cilat ndodhen burimi i ujit të pijes dhe rezervari i ujit ku ndodhet edhe objekti në të cilin janë të vendosura edhe pompat.
3. Raportimi i Kryetarit për pjesën e mjeteve financiare të shpenzuara për menaxhimin e situatës nga COVID -19.
4. Propozim Vendim për rritjen dhe bartjen të hyrave vetanake nga viti 2019 në vitin 2020, me ndryshime.
5. Propozim vendim për miratimin e Statutit të ri të QKMF-së Drenas me ndryshime
6. Draft-Propozim për ndryshim-plotësimin e Rregullores për Taksa, Tarifa, Ngastra dhe Gjoha 2020, me ndryshime.
7. Të ndryshme.

Prezent gjatë mbledhjes së rregullt të datës 27 /05/ 2020 ish-in: Kryetari i Komunës Ramiz Lladrovci, kryesuesi Kuvendit Komunal, Labinot Halilaj, drejtorët e Drejtorive përkatëse dhe përfaqësuesit e Kforit.

Kryesuesi i Kuvendit z. Labinot Halilaj: deklaroi të hapura punimet e mbledhjes së Kuvendit pasi përshëndeti të pranishmit, kryetarit të Komunës **Ramiz Lladrovci**.

Kryetari i Komunës Ramiz Lladrovci –pasi përshëndet të gjithë të pranishmit,propozon dy pikat shtesë për rëndin e ditës dhe sqaron për dy pikat e rendit të ditës që janë kthyer ligjshmëritë negative nga MAPL

Propozim vendim për miratimin e Statutit të ri të QKMF-së Drenas me ndryshime.

Draft-Propozim për ndryshim-plotësimin e Rregullores për Taksa, Tarifa, Ngastra dhe Gjoha 2020,me ndryshime.

Kryesuesi i Kuvendit z. Labinot Halilaj -Faleminderit kryetar hedh në votim rëndin e ditës me dy pikat shtesë

Për votuan 28 anëtar

Kundër s'ka

Abstenim s'ka.

Kryesuesi i Kuvendit z. Labinot Halilaj Kalojmë tek pika e parë; **1. Procesverbali i mbledhjes së rregullt të Kuvendit Komunal Drenas të dt. 30.04.2020.**

Diskutime nuk pati hedh ne votim këtë pikë të rendit të ditës.

Në mënyrë unanime kalon kjo pikë e rendit të ditës .

Kryesuesi i Kuvendit z. Labinot Halilaj-hedh ne votim piken e dytë të rendit të ditës.

2 Propozim Vendim për shpalljen e interesit të përgjithshëm publik të ngastrave kadastrave, në të cilat ndodhen burimi i ujit të pijes dhe rezervari i ujit ku ndodhet edhe objekti në të cilin janë të vendosura edhe pompat

Drejtori për Gjeodezi Kadastër dhe Pronë Ruzhdi Lestrani -

Propozimi për shpalljen e këtyre parcelave në interes të përgjithshëm publik është bërë me qëllim të realizimit të interesit publik të Komunës së Drenasit për projektin e funksionalizimit të sistemit të ujësjellësit, për të furnizuar banorët e Komunës së Drenasit me ujë të pijes, konkretisht për banorët e fshatit Krojkovë.

Shpronësimit e këtyre pronave janë të domosdoshme për qytetarët e Komunës së Drenasit, që të furnizohen me ujë të pijes.

Ky burim i ujit është në prona private, dhe vetëm një pjesë është pronë shoqërore KK. Drenas, prandaj për qasjen në këtë burim të ujit, medoemos duhet të shpallën në interes të përgjithshëm-publik edhe dy parcelat me nr.207/2 me sipërfaqe prej S=737 m2 dhe parcela

nr.208/4 me sipërfaqe prej $S=464 \text{ m}^2$, të cilat janë rrugë private, ku për mesë të këtyre rrugëve shkohet deri në vendin e burimit të ujit, aty ku janë pompat e ujit edhe rezervuari, të cilat janë në parcelën nr.211/4 me sipërfaqe prej $S=150 \text{ m}^2$

Ekipi profesional i Drejtoratit për Kadastër Gjeodezi dhe Pronë ka dal në vend shqim dhe janë përcaktuar për incizimin e pjesës së ngastrave kadastrale të shënuar më lartë të cilat do të shpronësohen, për të cilat pjesë edhe janë nxjerrë edhe skicat grafike dhe certifikatat mbi të drejtat e pronës.

Pas miratimit të këtij Propozim-Vendim Komuna- kryetari i komunës inicion procedurën e shpronësimit të pronës - paluajtshmerisë së shënuar më lartë në Qeverinë e Republikës së Kosovës.

Të bashkangjitur e keni skicën e trenit dhe certifikatën e njësisë kadastrale.

Petrit Gashi –Ne për këtë propozim vendim vetëm sipërfaqësisht i morëm disa informacione nga arsyetimi i drejtori sa i përket shpronësimit në komunën e Drenasit kemi pasur shumë probleme edhe me tjera prona dhe kërkojmë një pasqyrë që të kemi të qartë që jepet në kompensim të pronarit, në mënyrë që ne ta dimë për çka po votojmë dhe se cila është në interes të qytetarit gjithashtu edhe në interes tonin publik ta dimë se sa përfiton pronari sa përfiton komuna ?

Kryetari i Komunës Ramiz Lladrovci- Nuk i di marrëveshjet që kanë qenë për shpronësimin në atë kohë në Krajkovë gjatë viteve 70-80 , për arsye që mungojnë shumë dokumentacione ose i kemi të përgjysmuara. Qëllimi i komunës është shpronësimi i kësaj prone një herë e mirë që po e kërkojmë një interes të përgjithshëm. Pronari fiton atë që vendosë komisioni për vlerësimin e pronave në kuadër të ministrisë së financave në nivel të qeverisë, nuk vendosim ne , nuk bëjmë negociata e as marrëveshje për punësime sepse nuk e kemi atë të drejtë. Ne e votojmë ne rast se ju e votoni kjo është në interes për të gjithë qytetarët e Krejkovës të cilët kanë mungesë të ujit të në atë pjesë. Gjatë viteve 1999-2000 janë bërë investime nga komuna ndërsa ne nuk mundemi ta shfrytëzojmë ujin. Uji është aset shtetëror nuk është aset i askujt që kalon nëpër pronë të tij, sidoqoftë ne po kërkojmë shpronësimin miratimin e juaj për atë pjesë.

Petrit Gashi- Në fakte un nuk kërkoja vitet 70-80 çfarë marrëveshje ka pas , por në vitin 2015 ka qenë një marrëveshje gjashtëmbëdhjetë vjet pas luftës a ika pasur vetëm komuna e Drenasit ato marrëveshje apo edhe ujësjellësi? Kjo është pronë private , prona private është pronë e shenjtë të gjithë e dimë që uji është interes publik por të paktën duhet të kemi një marrëveshje me e dit edhe qëndrimin e pronarëve, ne nuk e dimë as sa pronar janë, as kush janë e dimë vetëm parcelën që duhet të shpallim në interes publik faleminderit

Kryetari i Komunës Ramiz Lladrovci- Prona private ne demokraci është e shenjtë. Interesi publik i kalon ato, uji është interes shtetëror , edhe uji i puseve që e shfrytëzojmë me ligj është i paraparë të paguhet, ne nuk po e kërkojmë këtë . Pronari ka kërkuar dy vetë me ja punësua edhe ujin me shfrytëzua mos të shpronësohet prona, mirëpo kjo për neve si Komunë është e kundërligjshme.

Vehbi Berisha- Në parim gjithçka është në rregull me këtë propozim vendim , për pronën e cila është në interes të komunës. Këtu pas luftës është nisur keq për arsye se disa organizata kanë bërë disa investime në këtë vend burim që vetëm me dërgimin e disa pompave atu përfundon gjithçka, por në fakt nuk është ashtu, dhe pikërisht për këtë çështje e dëgjova drejtorin me kureshtje se çka do të ketë pas shpronësimit sepse sipas informatave që kam nga kjo fushë ku bëjmë edhe analizat e ujitë , aj burim i ujitë ka një sasi të madhe të gëlqeres dhe ndikon në bërjen e gurëve në idhëz ku kanë vuajtur disa banor nga ajo zonë. Pyetja ime është a do të jetë ky vend burim si pjesë e kësaj kompanie pasi që të shpronësohet, për shkak që ne e dim që instituti kombëtar i shëndetit publik vazhdimisht i kontrollon të gjithë ujin.

Kryetari i Komunës Ramiz Lladrovci- Ne pronën e shpronësojmë dhe prona është komunale. Prona komunale asetin e ujit ja kalon kompanisë sikurse ja kalon shumë investime qoftë kompanisë së ujësjellësit qoftë kompanisë të pastrimit komuna e ka për obligim me investua. Ne po kërkojmë votën e juaj për interes të përgjithshëm publik. Dhe kërkesa e fshatareve neve na ka bërë me kërku me shpronësu këtë pronë.

Nexhmedin Balaj - nëse ka marrëveshje të vitit 2015 a i ka skadu afati nëse kemi marrëveshje qe është valide atëherë ne duhet me pas këtë material sepse i bien si tradhti ndaj pronarit me të cilin keni arrit marrëveshje deshëm e s' deshëm , e dëmshme e pa dëmshëm ka qenë marrëveshje.

Kryetari i Komunës Ramiz Lladrovci-unë nuk kam gjet marrëveshje mes komunës dhe pronarit të gjithë e dini se uji është aset shtetëror prandaj po kërkojmë miratimin e juaj që ta dërgojmë në shpronësim dhe interes të përgjithshëm publik, pastaj vendoset pagesa në bazë të çmimit të zonës pastaj nëse nuk pajtohen shkon përmes gjykatës ,gjykata është niveli i fundit që e vendos këtë punë.

Drejtori për Gjeodezi Kadastër dhe Pronë Ruzhdi Lestrani-marrëveshja ska mund të realizohet për arsye këto marrëveshje që janë bërë atëherë ligji i ri nuk i lejon kurse ligji paraprak që ka qenë i ka leju këto marrëveshje që i kanë bërë.

Kryetari i Komunës Ramiz Lladrovci- Një sqarim,unë e kam një dokument në dorë , kam edhe disa dokumente tjera, një dokument valid që i kanë jap Podrimqakut me 19.02.2002 . Komuna nuk i ka zhvilluar proceduar ashtu si që nuk i ka zhvilluar edhe shumë procedura tjera ne vazhdimësi , e ne po mundohemi që të mos i bëjmë gabimet e njëjta si në të kaluarën. Pronari

edhe në vitin 2002 ka kërkuar që ti kompensohet shpronësimi. Unë flasë zyrtarisht me dokumente Petrit.

Sabrie Kukaj- A doni të filloni edhe me shpronësime të burimeve të tjera siqë është aj i Verbocit dhe të merret në menaxhim nga kompania e ujësjellësit?

Kryetarit i Komunës Ramiz Lladrovci- Është një proces tjetër faza e parë ka përfunduar është grandë ose kredi e qeverisë Hungareze tani vinë faza tjera që zgjasin tri deri katër vjet deri në përfundim, sigurisht ne e kemi kaluar fazën tonë janë në nivel të qeverisë, qeveria vazhdon me procedura tjera ne i ndjekim ato procedura.

Beqir Kiqina- Prej vitit 2002 që po flitet që ekziston marrëveshja, PDK ku z.Syla ka qenë kryetarë në arkivat e komunës ku është një marrëveshje e tillë, kryetari a ka hulumtuar për këtë apo vetëm po thotë se nuk e kemi një marrëveshje, faleminderit.

Kryetarit i Komunës Ramiz Lladrovci- Fshatarët e Krajkovës kanë pasur marrëveshje me pronarin e pronës që ta paguajnë një punëtor ku çdo familje që ka shfrytëzuar ujin ka pasur të jep nga 1 € në muaj, kjo është përgjigjja e asaj marrëveshje.

Kryesuesi i Kuvendit z. Labinot Halilaj- Hedhim në votim piken e 2 të rendit të ditës .

Për votuan 22 anëtar

Kundër s'ka

Abstenim 5.

Kryesuesi i Kuvendit z. Labinot Halilaj- Pika e tretë e rendit të ditës është **Raportimi i Kryetarit për pjesën e mjeteve financiare të shpenzuara për menaxhimin e situatës nga COVID -19.**

Kryetarit i Komunës Ramiz Lladrovci-së pari kërkoj falje që ne këtë dokument nuk janë fut edhe donacionet që janë dhënë për sektorin e shëndetësisë për komunën për zjarrefiksat për policin e Kosovës pra shumë donator OJQ kanë dhënë pajisje mbrojtëse siç janë maskat,dorezat,dezinfektues të shumtë, që nuk janë në raport ,në raport nuk janë fut edhe disa Donacione p.sh në Llapushnik 8 fshatar i kanë dhënë 12 pako,pavarësisht që janë konsultu me mua dhe shumë donacione të tjera që nuk kanë kaluar përmes nesh. Të nderuar asamblast duke dëshiruar që kjo pandemi të kalo sa më shpejt me lejoni që para jush të shpalosi raportin e punës nga data 13.03.2020,respektivisht nga shpallja e emergjencës te shëndeti publik në republikën e Kosoves .Komuna e Drenasit që nga ky moment ka përcjell me vëmendje të gjitha vendimet që kane dalur nga qeveria duke i postuar në ueb faqe të komunës së Drenasit dhe në të njëjtën kohe duke bërë thirrje që këto vendime te respektohen në përpikëri me datën 12.03.2020 është

formuar shtabi emergjent lokal me numër të vendimit pastaj Drejtoria e Shëndetësisë ka nxjerr vendim me datë 16.03.2020 për prioritet e QKMF-së Drenas ,po ashtu inspektorati komunal vazhdimisht i ka mbikëqyr zbatimin e këtyre vendimeve të krijuara ne këtë periudhë të pandemisë me gjithsej 55 vendime pa përfshirë vendit tjera administrative, këto vendime mund ti vërtetoni edhe përmes intranetit. Komuna e Drenasit ka krijuar shtabin emergjent një dit para së të shpallet .Asambleja komunale me date 25.03.2020 ka marr vendim për ndarjen e shumë prej 229.200 € sa për informim e juaj Komuna e Drenasit edhe gjatë kohës së pandemisë ka mbajtur mbledhje duke respektuar në përpikëri rekomandimet e dhëna nga IKSHP-S janë mbajtur gjithsej 28 mbledhje, stafi emergjent ka mbajtur 10 mbledhje dhe qendresë operative , bordi i drejtorëve 12 mbledhje, Kuvendi i komunës 3 mbledhje dhe 2 mbledhje të KKSB ajo qe është me e rëndësishmja komuna e Drenasit është kujdesur qe te menaxhoje shpërndarjen e donacioneve të ndryshme për këtë është krijuar një mënyre komunikimi drejt perdrejt me administratorët e fashtrave me qëllim të identifikimit të nevojtareve real .Prej fondit 229.200 € janë shpenzua 85.000€, procedurat janë monitorua nga koleget e luaj asamblist znj. Florentina Elezi, zoti. Petrit Sinani , zoti. Beqir Kiqina ka mungu për arsyet e tij për këtë qëllim ne kemi formu komisionit që është kujdesur për shpërndarjen e ndihmave dhe zoti. Sokol Bylykbashi ka marrë pjesë po thuajse në të gjitha aksionet kur janë shpërndarë këto donacione dhe çdo qytetar që ka marrë pako , e ka emrin mbiemrin numrin e letërnjoftimit dhe është i evidentuar . Bashkëpunime me administratorët ka qenë shumë e mirë dhe ka qenë transparente dhe është mbikëqyr edhe nga asambleistat po ashtu edhe me kryeqin e kuq kemi pasur një bashkëpunim të mirë dega në Drenas

Beqir Kiqina kisha dashur të ju kërkoj falje publike edhe pse e kam konfirmuar pjesëmarrjen nuk kam mundur me marrë pjesë për arsye shëndetësore, dhe kisha dashur të falënderoja edhe komunën e Drenasit dhe administratorët e fashtrave sepse të gjitha ndihmat kanë shkuar në adresë të duhur dhe kam një pyetje për kryetarin a ka ndonjë plan qe pas pandemisë familjet që nuk kanë pasur të ardhura gjatë kësaj periudhe të ndihmohen edhe pas kësaj.

Kryetari i Komunës Ramiz Lladrovci-për këto familje ka ndarë pako qeveria e në dorëheqje të cilat nuk besoi që mundet me i realizu sepse duhet miratimi i kuvendit të Kosovës, por shpresoi që qeveria e re do të miratoi këtë pako dhe të ju del ne ndihme këtyre familjeve sepse ne si Komunë nuk kemi as buxhet as mundësi .

Adem Bucolli-desha me ju falënderuar për menaxhimin e mirë të pandemisë gjatë këtyre muajve keni qenë shembull dhe të gjithë akteret që kanë qenë të ekspozuam direkt me padëmin.

Kryetari i Komunës Ramiz Lladrovci-unë ju falënderoi të gjithëve sepse bashkëpunimi ka qenë pozitiv opozitë por nëse aty këtu ka ndodhur ndonjë gabim ju kërkoj falje

Kryesuesi i Kuvendit z. Labinot Halilaj-hedh në votim pikën e katër të rendit të ditës

4 .Propozim Vendim për rritjen dhe bartjen të hyrave vetanake nga viti 2019 në vitin 2020,me ndryshime.

Shyqiri Bublaku – Shfrytëzoj rastin të i falënderojë të gjithë pjesëmarrësit për përkrahjen morale. Sa i përket raportit ka ndodh një gabim teknik për shumën e përgjithshme prej 0,08 cent dhe në ministrin e financave kanë kërku që në këtë gabim ta përmisojmë për atë edhe e kemi sjellë në kuvendë, dhe kërkoj nga ju mirëkuptim që ta kalojmë dhe te na lejohet shuma për bartjen e mjeteve që është një shumë bukur e mirë që do të na duhet për përudhen që jemi tash të kalojmë pandeminë.

Kryesuesi i Kuvendit z. Labinot Halilaj- Kërkoj nga ju që te votoni për ndryshimin, kjo pik e rendit të ditës u votua në mënyrë unanime .

Kryesuesi i Kuvendit z. Labinot Halilaj- Kalojmë tek pika e 5 Propozim vendim për miratimin e Statutit të ri të QKMF-së Drenas me ndryshime.

Drejtori i Shëndetësisë Dr.Arsim Haxhiu: Propozim vendimi për miratimin e Statutit të ri të QKMF-së i dërguar për vlerësim në MAPL i aprovuar në kuvendin komunal të Drenasit bazuar në statutin unik të hartuar nga ana e Ministrisë së Shëndetësisë lidhur me gjendjen e mjeksis familjare në Kosovë hartuar nga Ministri, kërkohet që të bëhet një plotësim ndryshim në këtë statut. Në nenin 6 të statutit të QKMF-së në Drenas paragrafi 6.9 ku shkruan specialist i radiologjisë në kabinetin e radiologjisë të hiqet në tërësi dhe të vazhdoj në paragrafin pasues. Ndryshimi tjetër neni 9 paragrafi 1.1.7 të largohet radiologu të mbetet vetëm kabineti i radiologjisë. Plotësim ndryshimi behët me arsyeshmeri, sepse të gjitha statutet të komunave të Kosovës në fushën e shëndetësisë dhe të jenë unike dhe në përputhje në politikat nacionale . Ju ftoj të kalojmë këtë pikë.

Kryesuesi i Kuvendit z. Labinot Halilaj- Kërkoj nga ju që te votoni për ndryshimin, kjo pik e rendit të ditës u votua në mënyrë unanime .

Kryesuesi i Kuvendit z. Labinot Halilaj- Kalojmë tek pika e 6 Draft-Propozim për ndryshim-plotësimin e Rregullores për Taksa, Tarifa, Ngastra dhe Gjoha 2020,me ndryshime.

Drejtori për Gjeodezi Kadastër dhe Pronë Ruzhdi Lestrani - Ministria e Shëndetësisë ka kërkuar sipas udhëzimeve administrative konkretisht sipas udhëzimit administrativ 04.2007 në të cilin është kërkuar që të vendoset komplet qmimorja , dhe ka kërkuar që të vendoset qmimorja me nr 1 shkresa 1 qmimorja për certifikata shëndetësorë sipas udhëzimit administrativ të shëndetësisë 04.2015 dhe kjo të vendoset në tërësi siq është në udhëzim edhe pse QKMF në Drenas nuk i ofron të gjitha këto shërbime, këto janë kërkesat e Ministrisë së Shëndetësisë.

Kryesuesi i Kuvendit z. Labinot Halilaj- Kërkoj nga ju që të votoni.

Për votuan 27 anëtar

Kundër s'ka

Abstenim 2.

Kryesuesi i Kuvendit z. Labinot Halilaj- Kalojmë tek pika e 7 Të ndryshme.

Beqir Kiqina- Kisha dashtë disa kërkesa për lagjen Vrellaku në Baicë të i parashtroj këtu, është një lagje e cila nuk e ka ndi dorën e komunës nga përfundimi i luftës do të thotë nuk ka rrugë, kanalizim, ujësjellës po ashtu problem tjetër kanë edhe me emërimin e rrugëve në të cilën janë vendosur edhe emra pa dëshirën e banorëve, kërkoj nga komisioni për emërim dhe riemërimin të rrugëve që të jenë më efikas në këtë punë dhe ti kenë parasysh kërkesat e banorëve.

Kryetari i Komunës Ramiz Lladrovci- Unë kam komunikuar me banorët e lagjes Vrellaku dhe e kanë ndi dorën e komunës dhe të shtetit sepse rruga kryesore që kalon nga Drenasi për Baicë Tërrdefcë dhe lidhet me komuna tjera. Pra ne do të marrim masa për atë që na lejohet. I kam jap urdhër Lumes me shku me ndërmarr masa gjithashtu dhe Drejtoria e Infrastrukturës është duke punuar.

Sabrie Kukaj- Nëse nuk kam harruar ose e kam gabim, se di a e kemi shpallur pjesën të lumit zonë me interes publik se di deri ku kanë shkuar procedurat ose a mund të fillohet që ajo pjesë të rregullohet se është tmerri i Drenasit ajo pjesë që ka mbetur aty. Krejt 150 metra që sa vite jemi duke e përmendur këtë çështje të këti lumit dhe s'është punë të hiq aty ndotje, krejt ujërat e zeza nga Çikëtova e Vjetër derdhen aty dhe kjo pjesa tjetër nuk mund të rregullohet nëse ajo pjesë nuk mund të rregullohet. Nuk e di deri ku kanë shkuar procedurat dhe a është shpallur ajo zonë me interes publik.

Kryetari i Komunës Ramiz Lladrovci- Shtrati i lumit është projekt i ministrisë së ambientit dhe planifikimit hapësinor projekt 2 milion e 370.000 € i cili ka përfunduar që 7-8 vjet dhe unë me 400-500.000€ 45km shtrat të lumit i kamë rregulluar i kamë pastruar ata 1km nuk kanë mundur me përfundua me projektin e lartpërmendur pra është projekt i tyre që kanë pasur edhe ti vendosin kolektorët për gjatë shtratit të lumit ku shkon deri të Guri i Plakës për të i larguar të gjitha ujërat e zeza. Ne punët teknike i kemi përfunduar.

Sabrie Kukaj- Po i tregoj Beqës që është hall i madh të punohet në atë komision dhe nuk mund të plotësohen të gjitha dëshirat dhe kërkesat e qytetarëve për emërim të rrugëve.

Petrit Gashi- Si anëtar i komisionit për emërtime të rrugëve dua të i jap vetëm disa informacione në fakt në mungesë të një anëtar i cili nuk i është bashkangjitur komisionit . Takimin e parë e kemi mbajtur në tetor të vitit të kaluar ku kemi vizituar 113 rrugë çdo rrugë është vizituar me kërkesa për 15 ditë me radhë në 15 fshatra ku është bërë një takim për të shqyrtuar këto kërkesa disa që kanë pasur propozim vendim për ndryshim a i plotësojnë kushtet ku i kemi klasifikuar kërkesat që i plotësojnë dhe ato që nuk i plotësojnë kushtet dhe janë diku 315 kërkesa në komunën e Drenasit ku janë ndërprerë për shkak të gjendjes së pandemisë a që ka pasur të përfundoj sipas planit tonë diku me 25 Mars mirëpo është ndërpre dhe ka mbetur edhe pjesa tjetër e disa kërkesa pa përfunduar.

Kryetari i Komunës Ramiz Lladrovci- Petrit faleminderit , ashtu siç e ceku edhe mësuesja se e keni shumë të vështirë të punoni por duheni të ja shpjegoni qytetarëve se ajo rrugë që vendoset nga kuvendi jo nga dëshira e lagjeve ju e keni obligim të i konsultoni por shumica gjithmonë duhet me vendos . Unë kam propozuar tri rrugë emrin e Adem Demaqit , Adem Vokrrit , Bekim


Pasi nuk pati diskutime tjera vërejtje apo sugjerime, kryesuesi i Kuvendit Komunal konsideroi si të mbyllur mbledhjen.

Mbledhja përfundoi rreth orës: 11: 45 min.

Procesmbajtëse:


Zahrie Podrimqaku Subashi




Kryesuesi i Kuvendit

Halil Halilaj